

# Партийн конференц деер болсн шалгългъиг мартхмн биш

Онъгрсн, 1957 джилин чилг-чър Халымг тангъчин партийн организацин 18-ч конференц болла. Туунā бмн, эклц партийн организацсин тоодана болн сунгъврн хургуд болла. Дарунь районн партийн организацсин конференц болн хургуд болсн, тежн деер энъгин коммунистр, районн партийн организацсин тооца болн кеджāх кōдлмшин тускар сонъсад, кōдлмш улм ясрулхин тускар эврāннь сүв-селвгāн келцхāлā.

Дарандан кегдсн эн партийн организацсин хургуд болвчн, партийн организацсин конференц чигн, оln-āмтнā элл-аху, культуриг, эрдм-сургуулиг делгрүүлгнā тōрмүд күүцāлгннд, коммунистрин шунлтиг бōдлүүлгннд ик ач-тусан күргдж, дōнъ-нōкд болцхав.

Тангъчин партийн организацин 18-ч конференц цуг делегатрин йир ик шунлтта орлцлгътагъар кегдв. 275 делегатрас докладар болсн күркүүндврт орлцдж босдж үг келцхāснь 33 кун, үг келхār седād бичгдцхāснь — 62 кун билā.

Тедү мет шунлгътагъар эклц партийн организацсин хургуд болвчн, районн партийн организацсин конференц болн хургуд чигн кегдв.

Тер хургуд деер болвчн, районн болн тангъчин партийн конференц деер, күркүүндврт орлцад, босдж үг келцхāсн коммунистр, партийн организацсин кōдлмшт болдг болвчн, селāнā элл-ахун чигн, культури тосхлтин чигн кōдлмшт ямаран эндү, дутудунд йовллмуд бāādг болна, тер тоотиг түргār уга кехин тōлād, цуг мана кедж, делгрүлдж йовх кōдлмшиг ясрулдж, бōдāн чинртā болгъхин тōлād, унн седклин, чик сāн сүв-селвгāн келцхāv.

Тангъчин оln-зүсн организац, теднās нег улү селāнā элл-ахун тангъчин управлень, түүнā кōдлмшнь, залгълдана тангъчин управлень, тангъчин потребсоюз, Элст балгъсна күүцāгч комитет — иим болн нань чигн организац, эднā кōдлмшнь, эднā гардачирнь, тангъчин партийн конференц деер шүрүтā гидг шалгългнла харгъцхав.

Тер конференц деер болсн шалгългнāс уха авч, делегатринь сүв-селвгиг кедж йовх

кōдлмштāн лавта кевār тоолдж, кōдлмшāн, гардвран ясруллгнā хаалгннь меддж авлгн — цуг гардач болгнā, цуг коммунист болгнā эрки тōрнь.

Тангъчин партийн конференцин делегатрас кесгнь, селāнā элл-ахун тангъчин управленā кōдлмшт йир ик дуту-дунд йовллмуд бāāхинь илдкдж келцхāлā.

Улгүринь келхд, Яшалтинск МТС-н директор үр Базюк, иигдж келлā.

— Селāнā элл-ахун тангъчин управлень, дорагъур, бāārн газрмудар юн болджахинь медхш, гардлгннь йир оцл, шамдгъа, эвтā биш. Эн управленā кōдлчир, нам специалистрин бийснь, колхозмудар болн совхозмудар эргдж, тōг-āлдж йовцхāхш. МТС-д хоорнд, деерās илгāгдджāх машид түүгāхлārн, эн управлень эндү гаргнā, түүгāн чикār хувадж түүгāцхāхш.

Бāārн газрин сельсоветс, райодин күүцāгч комитетс ода чигн ик татгар кōдлдж йовцхāхиг конференцин делегатр бас заадж келцхāлā.

Селāнā элл-ахун тōрмүдār, советск органсин кōдлмшин тускар, загъсна промышленностин болн профсоюзн, комсомольск организацсин кōдлмшин тускар босдж үг келцхāсн делегатр, Западн района „Южный“ совхозин малч үр Аюшев, хойрдгч номертā хōднā совхозин директор үр Павленко, партин Черноземельск райкомин селлāтр үр Букреев, КПСС-н Западн райкомин селлāтр үр Чудутова, „Сарпа“ совхозин директор үр Рубан, нань чигн кесг тиим делегатр цуг эн халх кōдлмшиг шалгъдж келцхāлā.

Цāāлгъврн политическ кōдлмш, цуг идеологическ тōрмүд бас йир чангъ шалгългнла харгъулгдла.

Цуг эн тоот шалгългъиг тоолдж, коммунистрин келсн заасн сүв-селвгүдиг темдгддж, тангъчин партийн конференц тодрха, делгү шиидвр гаргъдж авла.

Партийн конференц деер болсн шалгългъиг кесн кōдлмштāн тоолдж, түүг оньгтан авч, коммунистрин бгсн сүв-селвгүдиг тасрхан угагъар, бдр болгн кедж йовх кōдлмшлārн күүцāхин тōлā ноолдлгн — партийн организац болгнā йир ик эрки чинртā тōрнь.